

# RIEHTIMINISTERIÖ TIEDEET

26.11.2018

## **Kollekielâ – Tave-eennâmlâš säämi kielâpalhâšume juulevsämikielâ ja kieldâsämikielâ ovdedeijeid**

**Karin Tuolja** Ruotâ Juhâmohheest já **Jekaterina Mechkina** Ruošâ Murmanskist uázžuv tave-eennâmlâš sämikielâ kielâpalhâšume ive 2018.

Kollekielâ – Tave-eennâmlâš kielâpalhâšume juáhhoo Karin Tuoljan Taažâ, Ruotâ já Suomâ sâmmilâšaašijn västideijee ministerij já sämitigij saavâjođettejei čuákkim ohtâvuodâst Oslost 26.11. já Jekaterina Mechkinan Murmanskist 29.11. Kielâpalhâšume ulmen lii išediđ sämikielâ nanosmittem, ovdedem já siäilum Taažâst, Ruotâst, Suomâst já Ruošâst.

Karin Tuolja lii porgâm juulevsämikielâ oovdân Ruotâst oles elimis. Sun lii toimâm máttáátteijen, jurgâleijen, oppâmaterialij rähten já kielâtärhisteijen. Tuolja lii tehâlâš olmooš juulevsäämi kielâsiärvusist, já sust lii lamaš kuávdáš merhâšume Taažâ já Ruotâ koskâsâš kielâohtsâšpargoost, eromâšávt sänirááju já terminologia oovdedmist já Ráámmát jurgâlmist.

Jekaterina Mechkina uázžu Kollekielâ-kielâpalhâšume kuhesáigásâš pargostis kieldâsämikielâ sajaduv nanodem oovdân Ruošâst. Sun lii uásálistám sänirááju oovdedmân já kieldâsämikielâ sänikirje rähtimân. Mechkina lii čáállám já jurgâlâm kiirjijd sehe ráhtám oppâmaterialijd. Suu kirjâlâš pargoi áánsust maangah láá peessâm uápásmiđ Murmansk kuávlun kieldâsâmmilij elimân já kulttuurân.

Kielâpalhâšume miedettuvvoo ovtâskâs ulmuid tâi siärvusáid, moh láá porgâm eromâš pyere pargo sämikielâ ovdedem peeleeest. Palhâšume juáhhoo tääl káávcád keerdi. Čuávuváá keerdi palhâšume juáhhoo ive 2020, ko Suomâ tuáimá kuulmâ riijkâ sâmmilâšaašij ohtsâšpargo saavâjođetteijen.

Palhâšumelävdikoodán kullii Neeta Jääskö Suomâst, David Kroik Ruotâst, Nina Afanasjeva Ruošâst sehe Solvár Knutsen Turi já Jane Juuso Taažâst.

### **Lasetiäđuh:**

ráđádellee virgeolmooš Johanna Hautakorpi, riehtiministeriö, tel. 02951 50018, ovdânommâ.suhânommâ@om.fi

Palhâšumelävdikode jeessân Neeta Jääskö Suomâ sämitiggeest, tel. 0405969230, ovdânommâ@neetainari.fi